

宋

會

要

按方域內亦有
天章閣南宋
建置也

宋會要

御製 真宗

天禧四年十一月壬戌詔從丁謂等請作天章閣奉安
御集十一月中書言聖製已約分部帙望命內臣規度
禁中嚴淨之所別創殿閣紙殿從之又出御製七百二
十二卷付之宰相十二月輔臣以御書御製共二卷進
呈皆帝親筆及親作草本詔藏御集閣以天章為名十
二月己巳興工五年三月戊戌閣成五年二月修天章
閣功畢庚子有司具兩街僧道威儀教坊作樂奉御書
自玉清昭應宮安于天章閣四月召近臣館閣三司京
府官觀御書御集于閣下遂宴于羣玉殿時輔臣集御
製三百卷又取至道元年四月訖大中祥符歲中書樞

審院時正記史館日歷起居注善美之事錄為聖政紀
凡百五十卷並命工鏤板又以御書石本為九十編命
中使岑守素等主其事至是畢功焉五年四月詔以御
書石本為九十編藏天章閣閣在真宗時未嘗建官至
仁宗天聖八年十月初置待命范諷鞠詠充職景祐四
年增置侍講以賈昌朝趙希言王宗道等為之慶歷七
年又置學士直學士仁宗于乾興元年八月辛亥賜輔
臣先帝御集三百卷釋奠文集一部清景殿詩二卷三
武論並敵器論大童經各一冊聖政紀畧一百五十卷

宋會要

鈞

真宗宴後苑作鈞魚詩賜呂蒙正

重複

宋會要

真宗宴後苑作釣魚詩賜呂蒙正

宋會要 孝宗御製

淳熙元年六月召上天竺寺僧若訥講法華經有御批
問答類成一書詔以大乘妙法蓮華經釋義為名 九
月十八日幸玉津園宴射賦七言詩賜宰臣曾懷以下
預宴臣僚廣和以進 二年五月十日御製詩一首賜
新進士詹曠以下 許見進士 三年六月一日御製詩
書扇賜集英殿修撰主管祐神觀張子仁 四年二月
一日御製戊午學詔賜吏部侍郎兼直學士院周必大
三月一日御製妙堂詩賜淮東提舉吳琚 十月一

日御製詩一篇賜少保史浩以浩潛薦儒學賜宴內苑乃命宿于玉堂翌日有詩來上因俯同其韻復以賜之

五年十月二十一日御製秋日幸秘閣觀圖書宴群

臣近體詩一首賜右丞相史浩以下

羣臣咸皆賡和也

六年六月四日御製詩賜明州觀察使提舉禹壽觀

張子仁十一月一日宰臣趙雄等奏欲就堂中請侍

從宣示御製文字上曰甚好雄等奏前日恭覲宸翰不

勝戰慄上曰此論欲戒飭臣下趨事赴功而已豈為卿

等耶邇來年穀屢豐雨暘時若中外晏然皆卿等贊襄

之力雄等奏孔子有言迅雷風烈必變夫迅雷不為孔

子設明矣而孔子所以必變者敬天之威故也陛下訓

教如此何啻迅雷臣等及中外小大之臣無不震懼先
是二者論數百言欲年取士用人之弊論及誅賞宣示
朕臣故有此奏

七年五月一日御製狼石銘跋賜右
丞相趙雄等 八年八月十一日御製詩賜丞相史浩
以浩屢上丐歸之請留之不可於其行也錫燕以賜之

十年二月十一日御注圖覺經一部賜徑山能仁禪
寺僧寶印 淳熙十一年二月二十九日一部二卷賜上

竺僧若訥慧持

十一年四月二十五日御製送行詩

賜太保史浩 十一月一日宰執奏事謝賜太上稽山
詩石刻上曰太上詩規模宏大所以賜卿者正欲仰體
太上之意如屬意裡蠹臣之句 十五年六月二十九

日詔寔錄院依典故編高宗皇帝御製

詳此國史院

宋會要 高宗御製

淳熙十六年九月二十三日御贊頂相一軸賜左右街僧若訥 紹熙元年四月二日詔高宗芝草贊隆興御製芝草詩壽皇芝草贊紹熙御製芝草詩共四本宣付史館 五月十五日賜聞喜宴于禮部貢院是日賜新及第進士余復以下御製詩一首 三年十二月二日御製御書至尊壽皇聖帝聖政序 四年五月二十三日賜聞喜宴于禮部貢院是日賜新及第進士陳亮以下御製詩一首

宋會要 御書

淳化四年內出分分書千字文賜宰臣樞密使已下各一軸 五年十月賜近臣飛白書各一軸別賜參知政事寇準飛白草書十八軸先是宰臣呂蒙正等皆以賜得時準出使在外至是始及焉 至道元年太宗草書經史故事三十紙詔翰林侍讀呂文仲一一讀之因遣刻石以數百本并列秘閣官吏姓名付內侍裴愈令於江東名山福地道宮廟各藏一本或高逸不仕敦樸有行為州里所稱者亦分賜之 二年六月出飛白書二十軸賜宰相呂端等人五軸又以四十軸藏於秘閣字皆方圓數尺端等相率詣便殿稱謝帝謂之曰飛白依

小草書體與隸不同朕君臨天下復何事於筆硯但中心好之不能輕弃歲月既久遂盡其法然小草書字學難究飛白筆勢罕工朕習此書使不廢絕耳三年六月真宗謂宰臣曰先帝多能尤於筆法精妙盡得諸家之體所有御筆墨跡遍賜天下名山勝境用垂不朽真宗大中祥符二年十一月真宗以太宗鏤文紅管供御筆十有二管分賜宰臣王旦以下因謂旦等曰先帝聽政之暇常以觀書及攻筆法為意每見諸家字體精妙無不學者學之必成旦等言先帝筆法神氣英異非人臣所及如侍書王著有名於時然望先帝甚遠帝曰王著於侍書待詔中亦無其比焉知節言先帝奕甚甚

妙但聖人汎涉游藝必至精絕然終非所好帝曰先帝亦著碁格勢朕頃在宮中侍先帝嘗見學鍾繇書或自風興常手不釋卷五年十一月內出太宗御集及御書法帖總三百三十六卷示輔臣曰太宗嗜寶由天縱屬思授翰心極精妙朕孜孜尋訪殆無遺者四方以朕購求所納者甚衆然或因先朝賜其家寶藏即復付之王旦曰以文章化人成俗青自太宗始也五代以來筆札無能鍾王之法幾乎絕矣太宗在南宮留意新墨斷行片簡傳之於外則爭求之實為楷法自是學者書體丕變實聖教所致帝曰太宗所用筆亦與人間不同顧向敏中丁謂曰卿等未嘗見咸再拜陳乞翌日命賜之

八一雙太宗御草孝經一卷刻石在秘閣贊後法帖十
二卷小字法帖一卷古詩一卷倣鍾繇書一卷草書筆
法一卷草書故事簇子七軸草書雜時簇子十七軸草
書勅字簇子一軸草書急就草一卷草書千字文一卷
顛草書一卷八分書故事一卷八分千字文一卷飛白
書簇子二軸著飛白書雜詩二軸飛白書大字簇子二
軸帝字一軸佛字四體書一卷五體書一卷三般大字
簇子一軸已上刻石在御書院墨跡雜書四千八百九
十四卷冊八百七十八卷御製四千一十六卷冊古詩
故事藥方墨跡雜書簇子一千六百七十一卷墨跡雜
書扇百三十六柄刻石雜書八百一十八卷御製七百

九十三卷古詩故事刻石雜書簇子四百五十二軸已
上分藏於龍圖閣太清樓秘閣御書院及內中御製御
書逍遙詠十一卷緣識五卷秘閣銓三十卷秘藏詮禪
樞要三卷蓮花心經迴文偈頌三十卷心輪圖一軸注
金剛經宣演一部已上並印本隨大藏經頒行副本百
三十三部總千九百四十四卷並印本文集中錄出歌
詩文賦別行三百七十六卷並印本刻石雜書三百四
十七軸刻石雜書簇子七百五十三軸已上賜天下名
山寺觀并中外臣僚及兗州至聖文宣王廟 天禧五
年二月召輔臣觀御書于龍圖閣四月詔以御書石本
為九十編藏天章閣 乾興元年三月仁宗遣內侍至

中書賜御書飛白字一軸仁宗因至真宗靈位之側閱
視有飛白書筆其筆以木皮為之遂取試書數字帝素
亦未嘗攻此書偶茲閱試而筆力過健有知風習尋命
置其書於真宗靈御前以申哀慕及分賜執政近臣是
後書法益精屢賜近臣仁宗天聖三年四月遣內侍
以御書飛白書各一十軸賜宰臣翰猶逸筆勢有法飛
白書尤為精妙至是命工模刻以賜之四年五月端
午遣內侍賜中書樞密院御書飛白扇子各一合五
年九月慈孝寺真宗御容殿成帝親飛白書額曰崇真
殿宣示宰臣等實元二年十一月二日遣內侍就轉
臣第賜御飛白書各一軸次日面謝再拜訖宰臣等奏

曰陛下萬機之煩翰墨不倦神筆奇奧曠古未常有帝
曰聽政之暇無所用心特以此為樂爾 康定元年六
月八日内侍省押班趙永德上真宗御製御書碑銘歌
詩三十三軸詔領恩州刺史永德在先朝嘗管勾御藥
院也 二年六月二十八日飛白書文詞字賜端明殿
學士翰林侍讀學士李淑淑出許州為飛白狀寶章記
摹石州廨 慶歷二年正月大相國寺新修寶奎殿摹
大宗御書寺額于石帝飛白題之命宰臣呂夷簡撰記
章得象篆額樞密使晏殊撰御飛白書記初帝謂輔臣
曰昨構一小殿禁中而有司不諭朕意過為華麗然不
欲毀其成功今大相國寺方構殿歲太宗親書寺額可

遠致之因言朕內寢多以黃布為茵褥宰相呂夷簡等
對曰陛下孝以奉先儉以率下雖聖人之盛德孰加乎
此帝曰此遇與卿等言及之非欲聞于外恐其近名耳
西四年三月帝御選英閣出親書十有三軸凡三十五
事遵祖宗之訓奉真考之業念祖宗艱難思真宗愛民
守信義不巧詐親碩學精六藝慎言語待耆老崇靜退
求忠直惧貴驕保勇將尚儒術議釋老重良臣廣視聽
功無迹戒喜怒明巧媚杜希旨從民欲慎滿盈傷暴露
哀鰥寡訪屠釣構遠圖絕朋比斥諂佞察小忠鑒近合
罪已為民損躬撫軍求善使過五年十二月以寶相
佛閣為慈尊閣飛白書榜賜之鳳翔府上清太平宮五

臺山真容院寶章閣并州舍利閣奉先資福院觀音殿
妙法院正覺殿洎景靈宮等處神御殿榜皆帝飛白每
賜即先召侍臣觀焉 六年八月賜宰臣賈昌朝洎從
臣御飛白書人一幅 七年八月御崇政召近臣觀御
書真宗皇帝加謚位版初帝跪設位版訖再拜泣涕久
之又觀新作郊廟祭器 八年九月御延和殿召輔臣
觀御書 皇祐元年二月二日廣濟軍都監李惟賢進
二聖御書一軸詔移曹州兵馬都監 三月十五日飛
白書天性字賜端明殿學士李淑時帝以御書賜近臣
淑方侍養遣使就第賜之 九月迢近臣宗室及臺諫
官三司開封府推判官武臣刺史以上赴迎陽門觀先

朝御書是月親篆明堂二字飛白明堂之門四字詔詞
以藏正寺三年五月召輔臣館閣臺諫官觀書于御
書院至和元年九月二十一日故知明州慈溪縣王
利用妻張氏進先帝御書飛白一軸乞男度一名目詔
王度與下班殿侍三班差使奏納先帝御書者多矣不
過賜以金帛今以優命非常制也二年五月詔開封
府自今有模刻御書字鬻賣者重生之嘉祐二年十
一月十五日駙馬都尉李瑋進飛白四字帝書二十五
字賜以寵之三年七月二十四日帝御迎陽門宣宰
臣以下觀御書妙法正殿殿牌額次赴天章閣觀御書
復出三聖御容以示群臣五年十月詔自今臣僚之

家母得陳乞御篆神道碑額 六年三月御崇正殿召

輔臣觀御書兗州至聖文宣王廟榜 七年十二月辛

龍圖天章閣召輔臣至待制三司副使已上及臺諫官

皇子宗室駙馬都尉管軍觀三聖御書又辛寶文閣親

為飛白書 英宗嘉祐八年元祐十二月詔以仁宗御

書藏寶文閣命翰林學士王珪撰記立石 治平元年

十二月英宗召輔臣觀御篆孝嚴殿額于迎陽門御篆

神道碑額太宗御製趙普碑文并書又篆其額 皇祐

中王子融自河中府還以唐明皇所題裴耀卿碑額上

進仁宗遂賜其兄魯碑曰旌賢自後勳戚之家多賜之

仁宗旌賢

故相王曾旌忠故相公冠 韓國

舊學故相旌功

故相 使曾利

十二月二十九日文彥博言仁宗皇帝賜臣御書以卷軸甚大私家難以寶藏遂送功德院寶勝禪院安置因建閣奉安愈為精嚴每年乞特賜撥放童行一人從之

哲宗元祐二年九月十五日賜宰臣執政經筵官宴于東宮上親書唐人詩分賜之

詳見經筵門

五年九月二十

一日御通英閣宰臣執政講讀記注官各賜御書詩一

首上親書姓名於其後

詳見經筵門

六年三月一日御通英

閣宰臣呂大防奏曰仁宗所書三十六事禁中有否上曰有大防請令圖寫置坐隅以備親覽從之

徽宗崇

寧三年十一月十六日宰臣蔡京等言伏覩車駕臨幸辟廱親書手詔面賜國子司業吳綱等乞下有司模勒

刊石頒賜諸路州學從之 四年十月二十三日中書

省檢會應頒降天下御筆手詔摹本已刊石訖詔並用

金填不得摹打違者以違制論 大觀元年八月十七

日資政殿學士中太一宮使兼侍讀鄭居中言近蒙賜

臣御筆八行八刑書欲望許以所賜模寫于石立之宮

學次及太學辟廡天下郡邑與石經比從之 三年四

月二十五日尚書戶部侍郎蔡居厚等言比從近臣之

請凡御筆手詔刊印成策半歲一頒然內外之事總於

六曹六曹之司二十有四逐司頒降各有先後而日月

不次檢照寔難欲乞命後六曹及諸處被受御筆手詔

即時關刑部別策編次專責官吏分上下半年雕印頒

行即從之 政和元年三月一日議禮局乞以御書政
和新脩五禮序摹勒立石於太常寺從之 三年三月
十六日大司成劉嗣明言檢會去年五月九日勅節文
所賜莫儔等御筆勅書許令辟雍摹寫刊石頒之四方
中命詞臣撰次本末刊於勅書之下近准降下鄭居中
撰到記文乞差官書寫并題蓋詔差中書侍郎劉正夫
是年鄭居中再知樞密院賜第建閣歲宸翰上書其
榜曰勲賢承訓 五年十月二十九日御聽文堂榜賜
學士院以學士強淵明遷承旨上為增廣直廡書榜寵
之 七年七月十七日秘書少監畢仲愈言奉御筆近
聞金耀門文字庫有祖宗潛藩親書廟諱奏讀洎元豐

內批詔旨皆得於塵壤之間恭閱數四殘楮斷幅隨手紛紛愴然于懷可委官編次集類來上劄付臣編次乞下書藝局應副工匠物料委近侍總領置局計會編類指畫表背進呈詔令秘書省應副更不置局九月一日宣和殿大學士蔡攸言伏聞國子監辟廱已掛御書大成殿牌乞許尚書學士侍郎給舍侍制兩省同詣兩學瞻仰仍分作兩日從之宣和二年四月四日姚古言自叨竊帥閩并先兄雄衆帥熙河皆蒙降到宸翰不少已於私家創造高閣寶藏乞降賜閣名奉御筆賜名褒勲之閣十六日兵部侍郎蔡莊言先臣墓道先蒙賜題碑首近日大臣及從官被受御書例皆建閣伏望錫

之美名依故相何執中劉正夫家已得旨揮詔許建閣
仍以褒忠顯功為名 八月二十日御筆門下侍郎白
時中於壽春府私第脩建御書閣畢工可賜御書醇儒
之閣 十一日新知福州少傅鎮西軍節度使余深
言奉御筆以臣私第建御書閣蒙降賜御書賢弼亮功
之閣牌一面緣臣私第建閣係在福州今欲乞依白時
中私第御書閣例差破使臣其潛火兵士止乞差一十
五人從之 三年正月十七日詔差開州防禦使徐位
押賜唐州方城縣范致虛所建神霄玉清鍊真宮殿閣
門室御書牌額共一十五軸 八月二十四日賜梁子
美私第御書牌閣額為耆英之閣 四年三月五日駕

幸秘書省太宰王黼攜其事乞宣付秘書其畧曰鑒輅
幸秘書省詔宰輔從臣暨館閣之士觀書于秘閣俾恭
閱祖宗謨訓崇寧以來御書復召輔臣侍從及秘書少
監至提舉官聽事宣示御書千文十體書洛神賦行草
近詩并御畫既恩許分賚臣蒙恩獨賜匹紙金花千文
一軸御書二十二軸上親出建隆真跡詩帖數幅於是
群臣始識藝祖書又出太宗真宗仁宗翰墨至神考書
孟子章句上曰此先帝在藩邸時所作也上色蹙然
五年正月十七日大司樂畢完言為裝成神宗皇帝御
筆石本二軸投進乞宣付秘閣收藏從之 十二月二
十四日賜大傳王黼私第御書載賡堂膏露堂移山堂

寵光亭老山亭榮觀齋四友齋隱安九牌 御書神道

碑額實錄有止稱賜神道碑額而神宗 兩朝顧命定

策元勳贈尚書忠勤懿戚贈侍郎決策定難顯忠基慶

衡王克難敏功鍾慶康王高兩朝顧命定策亞勳贈太

書令曹公亮初賜兩朝顧命哲宗 顯忠尚德贈太師忠

清粹德贈太師溫國徽宗 旌忠贈鎮重軍節元豐受

遺定策殊勳宰臣贈太師徽宗實錄止云賜碑額曰

傳所載又有殊勳二字乃欽宗 張商英月工部員外

郎李士衡乞詔詞臣撰英神道碑詔依奏碑額張當

高宗建炎元年九月十七日上書資治通鑑第四冊賜

黃潛善稱翌日潛善稱謝奏曰昨晚錫與執政同觀皆

言陛下筆力益妙於昔蓋聖學日新之盛上曰朕退朝
省覽章奏罷多游意翰墨不以為倦又曰近將孟子論
語治道處手寫于絹屏積之遂多佗日回鑒亦留屏於
此潛善曰昔人几杖槃盂皆銘識之以自警發今陛下
寫孟子王道政教之言在屏障間亦古人自警發之意
上曰朕每日溫閱孟子五卷愛其文詞簡明知要所以
信手多書於屏汪伯彥曰陛下留神此書取其宜於今
者力行之天下幸甚二十二日內出親書座右素屏旅
葵一篇大有大畜二卦與孟子之言七章凡十扇遣中
使宣示宰執翌日黃潛善等稱謝奏曰陛下於書取謹
德昭德之規於易記大有畜賢之蓋曰正心誠意以齊

家治國者在德立政造事以致君澤民者在賢所擬孟
軻當年之格言皆切本朝今日之急務屏幃之內聖賢
滿前因知心術之接在茲非以字畫之妙為貴臣等愧
衮職之非宜幸聖學之多進有旨勿拜潛善等皆再拜
四年八月八日上手寫郭子儀傳付范宗尹呼諸將
示之時韓世忠以進官到堂上知世忠洎諸將不親文
墨故執政因而諭之 紹興元年三月二十五日宰執
奏擬柯賜上所藏道君皇帝賜札欲給還上曰此上皇
御書當須藏置內閣不當降出 四月九日以經筵上
親書扇賜講讀官 九月十一日進士黃朝美上仁宗
皇帝御書明堂牌碑本二軸詔送秘書省藏之 二年

七月一日進士韋許上太宗皇帝御書補迪功郎兼進
書籍特有是命 八月十六日上出所寫孝經詩書篇

章遣中使宣示宰執翌日進呈畢呂頤浩等奏蒙宣示
御書仰窺聖意若稽于古臣等不勝欣覩上曰朕瞻仰
古先聖王之治以為規戒秦檜曰以此見聖學不廢

十月二十七日臣僚言伏覩陛下躬洒宸翰親裁睿詔
命有司摹黃庭堅所書太宗皇帝戒石銘勒諸堅珉拓
為墨本徧賜郡縣守令伏聞近命五使廉按諸路臣以
謂與其馳驛而頒孰若付之五使賁行而賜之仍使州
縣謄本揭諸通衢詔依令五使附行賁賜其餘州縣令
禮部頒降碑石於尚書省龕立 三年正月十一日詔

恤刑手詔委尚書左右司刻石頒降天下其親札候刻
石子畢付大理寺置之治事廳既而命樞密都承旨趙
子畫篆額以紹興恤刑手詔為目其後以碑刻賜侍從
及寺官人各一本 五月十三日將仕郎謝慤上仁宗
皇帝御書飛白一軸詔賜銀絹二十匹兩 四年五月
二十八日詔韓世忠私第御書閣以懋功為名從其請
也 八月三日處州進士王楊繳進太宗皇帝御書詩
二軸計一十篇詔令戶部支賜絹二十匹九日秦魯國
大長公主上家藏仁宗皇帝在東宮時真宗皇帝所賜
御製親書元良述一軸詔送史館秘書省 二十五日
賜故相韓忠彥御書神道碑額曰世濟厚德之碑 五

年四月七日上親書無逸篇為圖設于講殿之壁先是
范冲輪對論仁宗皇帝建通英閣嘗命儒臣蔡襄等寫
尚書無逸篇并孝經天子孝治聖治廣要道四章為二
圖列于左右元祐初先臣祖禹為侍講乞檢尋二圖如
仁宗故事哲宗皇帝從之願陛下脩祖宗故事躬寫無
逸篇為圖設於講殿至是上乃書之 九月二十日賜
趙鼎御書尚書一部翌日鼎稱謝上曰尚書所載君臣
相戒勅之言所以賜卿乃欲共由此道以成治功六年
十月摹勒上石鼎乞安於私第 九月賜新及第汪應
辰以下御書石刻中庸篇廷試畢賜御書自此始其後
以周官或儒行大學皋陶謨及學記經解等篇皆就聞

喜宴日賜之舉故事也 十月三日上書車功詩賜宰

臣趙鼎等翌日宣諭曰朕觀鴻鴈車攻乃宣王中興之
詩當與卿等夙夜勉勵脩政事攘夷狄鼎曰陛下游戲
翰墨之間亦不忘恢復臣等敢不自勉 六年三月六

日江南西路安撫制置大使兼知洪州李綱上家藏道
君皇帝御筆真跡詔送史館 十一月二十五日故翰

林侍讀學士王洙孫男楚老上慶歷皇祐御札手詔飛

白等賜銀絹各一百匹兩

楚老兼進四朝御容故有是賜

二十八日賜

成都府府學御書大成之殿四字揭于宣聖殿額先是
成都府府學教授范仲及言府學大成殿建於東漢初
平中制度簡樸氣象雄渾漢人以大隸記其脩築歲月

刻於東楹至于今九百四十三年矣蓋天下棟宇之古無過於此臣願陛下萬機之間因御翰墨作大成之殿四字揭之殿額以著陛下騰蜀之意至是從之仍帶賜本學 七年九月二十六日樞密使秦檜言乞以賜臣御書羊祐列傳付有司刊石以墨本頒諸軍執大將侍從上譙遜再三趙鼎等奏陛下筆法精詣實宜傳之天下後世以幸學者從之 十二月十一日上宣諭輔臣曰劉光世喜書前日來乞朕所臨蘭亭帖亦以一本賜之因論書法甚詳遂及法帖曰其間甚有可議如古帝王帖中有漢章帝千文千文是梁周興嗣所作何緣章帝書之舉此一事其他可知豈不誤後世學者 九年

二月十二日詔紹興府天章寺祖宗御書令守臣取進
先是建炎四年逃幸江浙御書凡五百五十軸卷悉留
越州至是駐驛臨安降詔取焉 同日詔興化軍進士
蔡玘上太宗皇帝御書可賜朱帛 四月二十三日親
從額外指揮使王琪進太宗皇帝御書一百件仁宗皇
帝御書飛白五件徽宗皇帝御書三件德成之宮大字
牌文一本詔令進入先是琪詐陷虜庭時在京於北軍
處覩此御書收而藏之至是還朝投進 六月十三日
宰臣秦檜乞以上所賜御書真草孝經刻之金石以布
宣德意上曰十八章世人以為童蒙之書不知聖人精
微之學不出乎此也朕宮中無事因學草聖遂以賜卿

豈足傳後檜請至再三乃從之 十年五月十六日御
書中庸篇賜秦檜乞刊石分賜墨本從之 十一年二
月二日詔余深被遇徽宗皇帝擢任宰輔當時所賜御
筆許令本家投進從深男日章請也 六月二十四日
詔萬安軍於蔡攸家收取徽宗皇帝御筆立皇太子詔
叙宣和末策立淵聖皇帝事因及罪已奏天容表投進
宣付史館實錄院編類送敷文閣藏之從吉陽軍使楊
雍請也 十二年四月二十四日衢州學生趙倬上家
藏徽宗皇帝御書一紙詔絹十匹十月二十二日右承
議郎直龍圖閣張茂上政和中徽宗皇帝御書上清大
洞真經一部賜先臣商英乞賜宣取詔令尚書省取進

十三年正月二十五日詔親書經史令戶部尚書張
澄將行在見有墨本先次計置頒降施行先是湖州守
守臣秦言祖宗御書賜在州郡雖經兵火多獲實存
乞將前後御書經史頒諸泮宮使士子得以師承咸仰
崇儒設教之德意故有是命 二月內出御書左氏春
秋及史記列傳於秘書省宣示館職觀閱畢少監秦燬
以下詩以進 是年六月內出御書周易 十四年正
月出御書尚書 十月出御書毛詩 十六年六月又
出御書春秋左傳皆就本省宣示館職觀閱畢並作詩
以進上又書論語孟子皆刊石立于太學首善閣及大
成殿後三禮堂之廊廡 七月賜御書宣聖殿及門榜

並曰大成御書閣曰首善先是修建太門國子監請依徽宗故事乞賜宣聖殿及御書閣名榜內御書閣徽宗賜曰求賢上改今名至是殿閣告成賜之用鈞容樂迎至學安掛九月四日上諭輔臣曰洪興祖欲進碑刻此安用學書只是看筆法精神若不善刻者字畫皆失真朕收得王獻之洛神賦墨跡六行置之几案間日閱十數次頗覺書有所得近又寫尚書一部已終篇矣學寫字不如便寫經書不惟可以學字又得經書不忘已而降付秦檜奏曰尋常諸生終年未曾寫得一部經書欲宣示從官不惟觀陛下書法之妙又令知聖學不倦也上曰朕宮中無所嗜好唯學字觀書所得甚多可以

養神兼日聞所未聞其樂無涯既而尚書委知臨安府
張澄刊石仍頒諸路州學十四年六月十四日上書
乾卦賜龍圖閣學士知宣州秦梓又以湖州昨刊諸臣
所書易十碑賜梓令於私第御書堂一處安置從梓請
也七月二十二日左宣教郎守殿中侍御史汪勃言
竊觀陛下萬機之餘親寫孝經近頒之諸郡皆止奉安
于泮水雖卿大夫多有不獲藏蓄為恨而況於庶人乎
乞令諸郡募工摹刻自郡達縣自縣達鄉皆使家藏而
戶曉庶幾普天之下風俗曠然而大變詔令諸州刊石
賜見任官并係學籍諸生十五年三月十八日邵武
軍進士吳行成進徽宗皇帝御書吳融曉賦一軸詔令

戶部支賜絹十匹 十月三日上遣中使賜大師秦檜
第御書閣榜曰一德格天之閣仍就賜御筵 十六年
三月二十二日處州學士耿世南進徽宗皇帝御筆親
帖三軸賜絹二十匹 四月十四日脩武郎張燕上太
祖皇帝御書一卷賜絹十匹六月五日饒州樂平縣進
士馬孝友上仁宗皇帝飛白風水二字賜絹十匹 十
九年九月二十九日御書太師秦檜像贊藏于秘閣
二十年三月二十八日賜太師秦檜父敏學御書神道
碑額曰清德啟慶之碑 二十五年十一月五日賜故
太師秦檜御書神道碑額曰決策元功精忠全德之碑
二十六年閏十月二十七日上書玉牒殿并殿門及

祖宗屬籍堂榜令揭于殿堂之額以新建殿堂畢從王牒所請也 十二月二十八日新知池州貴池縣陸沆上寶藏哲宗皇帝賜故外祖翰林學士顧臨御書即事詩一軸詔送秘閣 二十七年四月御試上曰指陳時切直者令寘之上列因親書以賜編排官吏部侍郎李琳等宰臣沈該請刻石頒諸臣僚詔可 二十九年六月十九日處州縉雲縣進士朱達辰繳進仁宗皇帝御書詔令戶部倍賜束帛 七月二十四日尚書古僕射湯思退等言近恭覲戒諭崇尚清白禁止賂遺詔書親批上曰朕自少時留心翰墨至今不倦然乞不能臻其要妙在唐惟太宗好二王書當時士大夫翕然相尚如

歐虞褚薛皆有可觀朕有舊藏文皇數帖其間有好譙
自牧上畏天下畏群臣等語不惟字畫可喜其用心實
可為後世矜式思退曰陛下天縱多能精於藝學過文
皇遠甚當與本朝太宗皇帝儔美齊驅豈前代帝王所
能髣髴思退請以御書刊石頒中外臣僚詔可三十
年上以玉堂二字親灑宸翰范知制誥周麟之言欲以
御書依典故就都堂宣示軍執許本院摹勒上石俟石
刻成日於秘書省曝書會宣示館閣官并以石本分賜
詔可孝宗隆興元年十月十四日詔金山寺御書御製
詩令刊石將碑本投進從兩浙運使朱夏卿之請也
乾道元年二月三日賜大傳寧遠軍節度使和義郡王

揚存中第御書閣榜曰風雲慶會之閣 三年二月賜

故贈太師陳康伯御書神道碑額曰旌忠顯德之碑

六年五月二十四日御書戒詔賜宰臣虞允文等 八

月二十八日御書漢議郎崔實政論賜宰臣虞允文等

七年正月八日御書郭熙秋山平遠詩賜宰臣虞允文

等是日宰執進呈畢上宣諭曰朕無他嗜好或得暇惟

書字為娛爾允文等奏曰允文等外日對罷顧見石揮

上陛下草聖筆力天縱有飛動之狀上曰戲書不足觀

朕近寫得一軸因顧內侍取示允文等廼郭熙秋山平

遠詩因以賜允文且顧梁克家曰俟別寫賜卿上又曰

太上真草皆極古今之妙來日與卿等允文等頓首謝

十一月日遣中使賜左丞相虞允文養生論右丞相克
家長笛賦皆太上真書又賜克家御草書古柏行一軸
是日宰執進呈上宣諭曰前日過德壽宮侍宴太上飲
酒權甚宮中熙熙和而有禮本朝家法前世所不及也
已與卿等覓得御書俟請寶來即賜卿等已而遂有是
賜二月御書孫綽遊天台山賦賜容州觀使幹辦皇城
司夏執中六月御書上天竺靈應觀音寺并殿碑
九月二十一日故少宰觀文殿學士吳敏孫楠進欽宗
皇帝御書一百軸特與補將仕郎十月二十二日詔
右迪功郎劉愈進欽宗皇帝御書二軸與減二年磨勘
比類施行八年二月六日御書尚書左右僕射可依

漢制改作左右丞相學士院降詔 八日御書賜權禮
部侍郎兼直學士院周必大比來一二大臣同心輔正
夙夜匪懈新章苟且之風以副綜覈之意深可嘉尚今
因除授宜示褒典虞允文可特授正奉大夫右丞相

四月二十一日賜新進士御益銀篇等

與宰執虞允文
論寫此篇賜進

士之意詳見
進士附

七月十二日詔朝請大夫毛奎孫勸進

欽宗皇帝御書十軸與免文解一次同日詔故端明殿

學士贈少保親姪孫毛勸進欽宗皇帝御書一百軸特

與補上州文學 八月一日賜故太師和王楊存中御

書神道碑額曰安民定功翊運忠德之碑 九年二月

二日詔故中書侍郎陳過庭孫進士述進欽宗御書十

四軸端明殿學士張深曾孫伯成進三朝御書十三軸并續進欽宗皇帝詔旨一軸各與免文解一次同日詔故刑部侍郎程振孫饒州鄉貢進士邵進靖康御筆八十八軸又宣和間為欽宗皇帝東宮舍人曰賜親書玉琢不成器賦杜甫喜雨詩各一軸及政和間頒降石刻御筆手詔等三冊與補下州文學 四月二十八日御書荔枝賦賜閣門宣贊舍人張延年 淳熙元年五月一日御書唐元鎮牡丹花詩扇賜臨安府通判吳琚六月一日御書劉禹錫詩賜集英殿脩撰主管祐神觀張子仁 二年三月四日宰臣葉衡奏謝昨日蒙遣中使宣示太上皇帝宸翰十軸并御製跋語得旨令臣閱畢

可飲卮酒以慶榮遇仍宣示執政侍從臺諫以其書省
臣欲就都省具卮酒與執政而下共侈非常之賜上曰
甚好叅知事龔茂良李彥穎同奏曰大上皇帝宸翰刻
石賜郡國者臣等固嘗得窺此十軸藏在御府群臣無
繇見者今遂獲拜觀不勝千載榮遇上曰太上皇帝於
翰墨間蓋是天縱非尋常學力所能到如鍾王輩不足
道臣等與侍從臺諫兩省官環立展視莫不駭心動目
即所未覩翼日拜謝訖乞勒石率預觀臣僚奉表稱謝
從之上曰當以此表轉于德壽宮 三年九月十五日
太上皇帝御書白居易大巧若拙賦賜幹辦皇城司夏
執中 十一月一日御書杜牧戰論賜皇太子同日御

書詩賜皇太子嗣濮王士輅永陽郡王居廣各一軸
四年二月十七日詔知臨安府趙礪老就太學建閣奉
安太上皇帝御書石經碑石可置之閣下墨本于閣上
以光堯石經之閣為名朕當親寫叅知政事龔茂良等
言自古帝王未有親書諸經及傳至數千萬言者不惟
宸章奎畫照耀萬世其所以崇儒重道者可謂至矣陞
下聖孝又欲親書題額以增斯文之重天下幸甚上曰
太上於字畫蓋出天縱朕嘗謂鍾繇字最工猶帶隸體
如太上宸翰冠絕古今 五月二十四日知臨安府趙
礪老言得旨就太學建造光堯太上皇帝御書石經閣
將欲就緒其見在石經周易毛詩尚書春秋左氏傳論

語孟子外尚有太上皇帝御書禮記中庸太學學記儒
行經解五篇不在太學石經之數今搜訪得舊本重行
模勒欲補禮經之闕從之 淳熙十六年四月七日故
太師秦申王府進納高宗皇帝御書二軸詔送實錄院
五月三日御書歸隱二字賜天竺彌陀福興院九月十
八日御書彌陀興福之院六字賜左右街僧錄若訥
紹興元年正月四日御書偈頌一首賜左右街僧錄若
訥七月九日御書四季草書扇面四軸賜左右街僧錄
若訥 二年正月五日御書草書勝常帖賜左右街僧
錄若訥

全唐文

宋會要 錄賢

仁宗嘉祐二年十一月二十七日三司使張方平等言
故國子監直講孫復著述春秋之說四十餘年并抄錄
到所撰春秋尊王發微二部復惟一子大年欲望特賜
甄錄詔孫復曾在通英閣講書今又進到春秋尊王發
微其男大年特補郊社齋郎後太宰博士胡瑗卒近臣
共援此例官官其一子 神宗熙寧六年五月二十三
日右正言直集賢院常秩言昨召對蒙問及臣友王回
之為人又被旨進其文編竊以先生之法善善以及子
孫故士者世祿下逮漢魏管寧之徒一時之篤行被召

不至而猶得拜子為郎況回未及進用而不幸有子汾
汾宜加甄錄詔以汾補郊社齋郎徽宗建中靖國元
年正月六日詔錄故監察御史王回一子為為廟齋郎
以從臣王覲曾肇豐稷張舜民賈易岑象求上官均等
列奏回有學術行義嘗因鄒浩得罪自蒙昭雪擢為御
史不數日而殞家貧無歸願加優卹故有是命高宗
紹興元年正月二十二日詔趙普佐命之勲猶漢蕭何
今子孫流落所宜憫卹令諸州郡博加尋訪如法敦遣
赴行在量才錄用九月十五日明堂赦應曾任宰臣執
政官及節度使明有勲德載在史冊者見今後嗣無人
食祿如有子孫許於所在州軍投狀委長吏以下勘驗

詣實保明開奏當議量才錄用若係國朝以來勲臣雖
不曾任前件官亦依此施行三十一年赦國朝勲臣後
嗣無人食祿錄用子孫許名陞朝官三員保明陳乞內
有全去失勲臣元授告敕等干照若實係勲臣之家可
令更召監察御史以上管軍知閣御帶監司郡守二員
委保勲臣元任官職去失來厯因依如無偽冒特與推
恩十月二十六日唐故尚書右丞相張九齡十二代孫
進士昭乞依赦書應曾任宰臣執政官明有勲德載在
史冊者見今後嗣無人食祿子孫許量才錄用念祖九
齡之後並無人食祿見今有祖九齡中書令告一道明
皇御書一道并朝廷兩次用九齡勲臣之蔭錄用高祖

瑛曾祖錫出身告二道及宗族圖一本投進詔昭特補
中州文學其張九齡告令尚書省給付本家四年四月
二十八日江南西路安撫制置使趙鼎奏契勘洪州昨
有試作監主簿潘興嗣自幼得官高蹈不仕朝廷察其
高行常除差遣抗志不就嘉祐間宰相韓琦等奏乞加
拔擢凡所旌寵每至輒辭至元符三年尚書右丞黃履
又引孫侔王回等例乞錄其後遂官其孫淳授太廟齋
郎調南康軍星子縣尉蔡京用事言者觀望謂淳與陳
瓘有連每至京師必館於瓘家實預論議又與曾布有
鄉曲之舊故履因緣薦遂降指揮追奪士論寃之三
十餘年今興嗣與淳皆卒唯有孫濤亦復垂老乞給還

所奪官資與之以為庶退自守之勸詔潘濤特與補右
迪功郎五年十一月十九日詔唐顏真卿之後顏邵補
右修職郎顏卓補右迪功郎並特命詞給告初温州發
遣顏真卿遠孫顏邵顏卓齎真卿所自書告身赴行在
投進上曰人皆有一死或輕於鴻毛或重於太山在處
死為難耳真卿在唐死節可傳得所處矣況今艱難之
際欲臣下盡節其顏邵等可量與推恩以為忠義之勸
況仁祖時曾召顏似賢赴闕亦嘗命之以官自有故事
故有是命六年二月六日詔元祐石刻黨人葛茂宗男
輔國與補惠州文學五月二十四日給事中朱震言本
朝西路程顗程頤以傳道為已任學者負笈袒衣親承

其教散之四方或隱或見莫能盡紀其高弟曰謝良佐曰揚時曰游酢時晚遇靖康建炎之間致仕通顯諸子世祿酢仕至監察御史出興州郡亦有二子仕宦獨良佐終於監竹木務名在黨籍著于石刻終身不過雖以朝奉郎致仕奏補其子克己入官後逢巨賊於德安府舉家被害今止有一子克念流落台州貧窶一身朝夕不給竊見黨籍諸人及上書得罪身後無人食祿者朝廷皆寵之以官良佐之賢親傳道學舉世莫知又遭葉錮而死諸子哀替最為不幸乞依黨人及上書人例特官其子克念使奉良佐之祀詔謝克念特與補右迪功郎八年三月二十八日湖州言故太學博士天章閣待

制侍講胡瑗以儒學被遇仁宗朝今其家淪替別無子
孫唯有胡滌服習儒業鄉閭推重欲望仰追仁祖待瑗
之意矜念胡滌已係免解進士特褻錄以為天下學者
之勸詔胡滌特與補下州文學十二月五日唐太師魯
國公遠顏真卿遠孫顏師與言昨蒙朝廷下温州搜訪顏
氏之後臣係嫡長特以病患緣本州催督且令弟卓齋
遠祖誥勅赴朝廷蒙拘收就補迪功郎未幾身故今先
臣之後依舊布衣不縫世祿乞將弟所得名目改正與
臣被受庶幾仰副國家興滅繼絕不泯世祿之意詔顏
師與可特與補右迪功郎

賜處士號

宋會要

處士

乾道七年十二月二十二日翰林學士許光凝奏昨守
鄧州伏見宣教郎致仕王襄經術登科年未六十毅然
請老退歸田園事備搜如其母養孤甥若己子鄉黨後
進教誨成就者不知幾人鄰里貧民吉凶調恤者不知
幾家伏望採察施行詔王襄賜處士

宋會要

處士

仁宗天聖八年九月二十六日賜臨江軍玉筍山人朱
旦善濟處士旦善醫術召至京師訪問故賜

宋會要

處士

乾道五年三月二十六日詔峽州長陽縣隱逸郭雍特

賜冲晦處士以湖北帥臣張孝祥等言雍名臣之後父
忠孝師伊川程頤盡得其學雍推原本意著易中庸之
書十餘萬言隱於峽州長陽縣山中安貧樂道行義高
潔乞賜褒擢故有是命

宋會要

處士

嘉祐二年六月七日賜絳州草澤韓退安逸處士退居
稷山翰林學士承旨孫抃等言韓退有行義故賜號

宋會要

處士

神宗熙寧六年六月十九日永興秦鳳兩路察訪司言
號州盧氏縣有退安處士劉易戶下役錢未敢依品官
例減半均納詔依七品官例

宋會要

哲宗紹聖二年五月二十八日詔興化軍處士良弼詔與葆光處士以左漢射張惇奏其所著易義可採故也

宋會要

徽宗大觀元年閏十月六日詔睦州清溪縣主簿張舉詳若特賜正素處士與一子初品官以兩浙路轉運提刑司奉舉初以郊社齋郎應進士舉及第緣家無兼侍不忍遠去父母遂不出官孝行著聞元豐五年父朝郎次道告老於朝舉子錡例合受恩乃以叔祖子慳無在任者遂請以官命其曾孫宗黨無不推服元祐初朝廷除命並辭不受一時士人愈高其節崇寧四年身亡有

此條似有脫佚

子未錄家益貧窘乞賜謚號故有是命

宋會要

宣和六年十月十四日詔今後處士更不令披度道士為小師所有天寧節回賜恩澤並罷十二月二十二日詔丹華處士劉知常不出有司自煉丹金造神霄寶輪四百九枚所以州人列其性識高明行義修潔勤苦該博通曉典故精於屬文為諸生師表而前輩諸公常所欽重乞加名用故有是命

宋會要

政和三年三月三十日詔濮州王老志賜安泊處士

宋會要

宣和七年
此三十二年誤

宣和三十二年五月二十五日詔入內內侍省東頭供奉官寄資武義大夫鄺詢為久病可將見任官特與換白雲處士賜名守寧仍命詞給告

宋會要

政和十一年十月十日詔虔州贛縣免解進士李珙賜號養素處士

宋會要

紹興五年十一月七日中書舍人朱震言朝廷近以陳得一改造統元新曆一十七卷賜號通微處士與一子下州文學竊見本朝熙寧間如翰林侍詔之類皆命之辭得一歷學專精通貫古今運策之妙不愧前人欲望

給告命辭以為韋布之光從之

宋會要

紹興七年正月二十四日詔温州平陽縣教造到道民
俞居一道學通博特補通元處士

宋會要

高宗紹興三年六月二日詔婺州東陽縣進士張志行
賜號冲素處士以浙東福建路宣諭朱異奏志行力學
有行鄉里推服常應舉宣和中知州劉安上轉運使詹
度等列奏其甘貧守道不求聞達杜門窮經雖老不倦
故也

宋會要

乾道六年十一月十六日詔邛州隱逸劉浩特賜沖隱處士四川宣撫制置使司狀據邛州中以本州鄉官劉環等狀言浩自壯歲棄儒慕道專以符籙濟活為心菴舍靜謐纖毫無取於人濟活之功甚多其祈晴禱雨果有應驗故有是命

宋會要

乾道七年百姓王慶年九十賜耆德處士此據政和七年五月高郵軍奏狀不得其時加六字處士特依例許封贈父母依例月給乳藥錢

宋會要

乾道七年八月二十八日詔潤州丹陽縣東太一宮道

士居宗惠特贈虛靜處士給告速行給降仍下江寧府
潤州量行應副葬地並官給事畢應副過事件聞奏

全唐文

宋會要 賜先生號

仁宗天聖六年三月十六日虞部員外郎史溫之祖虛
白進賜冲靜先生虛白有高節善為文五代亂離隱居
山巖江南李氏累以祿秩誘之介然不屈至是以家集
來上特有追褒

全唐文

宋會要

賜先生號

真宗大中祥符三年四月十二日泰山隱士秦辨說號貞素先生辨自言百三十歲帝召至京與語多言五代事亦無他術但能服食致長年故賜號放還山

宋會要

大中祥符三年二月二十六日華山隱士鄭隱賜號正

晦先生

正字本音同仁宗諱

隱自言始以經術為業遇道士傅辟

栗鍊氣之法修習頗驗遂居華山之玉刀巖二十餘年冬夏常衣皮裘帝祀汾陰召對行宮作詩賜之加賚茶藥束帛固辭不受

宋會要

徽宗崇寧四年六月詔信州龍虎山上清觀漢天師三十代孫張繼先特賜號虛靖先生

宋會要

大觀元年二月二十九日詔鳳翔府于仙姑特受靖真冲妙先生

宋會要

致和元年八月十二日賜信州貴溪縣龍虎山上清觀張嗣宗為冲靜先生

宋會要

致和元年十月十日賜處州祥符宮道士洞淵大師李

思聰為玄妙先生

宋會要

致和三年三月二十三日詔左街道錄觀妙元明冲真
虛壹大師徐知常可特授通虛先生

宋會要

致和三年八月二十八日詔茅山元符萬寧宮法錄道
士宣靜之特贈冲隱先生

宋會要

致和三年十月一日詔元觀法師程若清可特授寶錄
先生

宋會要

致和八年十月二十一日通直郎管句埭州玉清韓君
丈人觀兼注解聖濟經所編修道史檢討官劉揀奏伏
蒙聖慈宣諭授臣守靜先生陛下所以待高尚有道之
士如臣學術無取昧於大道兼臣見有家屬宗跡同俗
若忝冒先生之號恐未允心議上員陛下盛時清淨之
化所有告命乞賜追號虛靖先生

宋會要

宣和七年二月三日詔丹華廣範崇真處士劉知常除
金庭輔教先生續詔知常特授金庭輔教元明先生視
中大夫

宋會要

宣和七年六月十九日詔通妙處士劉厚特補通妙真
應先生及與封贈父母一次仍視中奉大夫

宋會要

姓

賜名賜第

趙抃自錢塘請老歸加太子太保致仕居南齋東南名士多從之遊卒謚
清獻哲宗命蘇軾為碑賜名愛直韓琦嘗稱抃真世人標表云子岬從
子岬從孫需億岬字景仁擢進士第再權御史論事忠鯁清修有行義能
世其家終太僕少卿岬少登進士第從胡瑗學有文名早夭終監西京糧
料院岬字孟遠抃任以官調德順法曹元符末應詔上書言章惇蔡卞
紹述以陷忠良蔡京朋比姦邪用之終必誤國崇寧初京相考此書將岬
勤停羈管處州建炎贈朝奉郎需字公時中上舍第紹興間為右司諫乞
令有司具一歲錢穀之數以節浮費上稱其極關治體遣諫大夫晉貳
吏部兼侍講祠守蘇秀卒卒其孫芹終永守億歷郡守監司以才稱司顯
熙寧三年諸路長吏應詔取遣行義之士送舍人院試論來者僅三千人
穎入優等賜進士出身

全唐文

宋會要

勅置守墳

開寶三年十月五日詔前代帝王已創興祠廟修葺園陵仍據事跡高卑各置守陵廟戶外其功臣烈士今定名德高者二十三人各置守墳三戶孫贖陳平韓信周亞夫長孫無忌魏徵李勣尉遲敬德渾瑊墓十並破損公孫杳白樂毅晏嬰曹參衛青霍去病霍光劉備諸葛亮關羽張飛段秀實墓十二並不破損功名次者八人各置兩戶趙簡子孟嘗君唐儉高士廉岑文本馬周墓六並破損趙奢丙吉墓二不破損功名又次者三人常禁樵採不得侵耕慕容德裴寂元稹墓並不破損其嘗

經開毀者卽逐處給官錢備置棺槨如法修崇太常禮
院各隨朝廷及逐人官品當時制度下少府監擇好羅
錦修置禮衣給付諸州長吏選日致祭掩閉仍令所司
定儀注以聞所置守墳戶並以側近中等以下戶充二
杭外免諸色差役廟宇常須洒掃無致摧圯墳隴林木
常禁侵伐無林木者常令栽植委逐縣檢校每歲終具
有無破損申州四年二月二十五日詔先賢丘墳不得
樵採 大中祥符四年二月十八日記汾陰赦書應車
駕經由州縣有建隆以來佐命及有勲勞公主將相墳
墓在其境內者委逐處差官致祭如有孝子墳塚量禁
樵採 奉祀路中景祐三年八月二十九日詔陝西州軍
亦依此制

應有前代名臣墳墓碑碣林木不得損壞

金唐天

宋會要 堯陵

神宗熙寧元年七月九日知濮州韓鐸言堯陵在本州雷澤縣東穀林山陵南有堯母慶都靈臺廟歷代碑記具存縣北有樊侯仲山甫墓傍有大碑斷缺什地不可辨前有石室高尋廣丈制度精密如成都文翁之石室唐刺史趙冬曦祭文刻於石碑望勅本州春秋致祭堯陵置守陵三五戶樊侯墓取耕者二戶免其租俾奉灑掃詔太常禮院詳定禮院言乾德詔書祠堯於鄆州本處但有廟即陵在濮州穀林望依禮例給守陵五戶仲山甫別有史策證據難議施行從之守陵乃差第四等

以下戶元豐六年八月二十五日禮部言鄆州陶唐氏廟歲祭當移於濮州雷澤縣陵廟祭享從之先是知濮州范子諒奏請祀堯於濮州而太常亦言濮州堯陵所在宜如子諒所奏故有是詔